



Službeni glasnik

Grada Tuzle

Godina LXIII

Petak, 3. jula

Broj 9

I AKTI GRADSKOG VIJEĆA GRADA TUZLE

1

Na osnovu člana 75. stav (1) Zakona o predškolskom odgoju i obrazovanju („Službene novine Tuzlanskog kantona“, broj 10/20 – prečišćeni tekst, 5/22, 5/25 i 18/25), člana 41. stav (3) 41. stav (3) 41. stav (3) Pravila Javne ustanove za predškolski odgoj i obrazovanje „Naše dijete“ Tuzla, broj: 6796/2018 od 20.12.2018. godine, broj: 02-04-978/2021 od 30.03.2021. godine, broj: 02-34-4334/2022 od 15.11.2022. godine, broj: 02-04-1756/2023 od 31.05.2023. godine i broj: 02-04-1601/2024 od 25.04.2024. godine i člana 25. Statuta Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Grada Tuzle, na sjednici održanoj 2. 7. 2026. godine, donosi

ODLUKU

o davanju prethodne saglasnosti Upravnom odboru Javne ustanove za predškolski odgoj i obrazovanje „Naše dijete“ Tuzla na Odluku o izmjeni i dopuni Pravila Javne ustanove za predškolski odgoj i obrazovanje „Naše dijete“ Tuzla

I

Daje se prethodna saglasnost Upravnom odboru Javne ustanove za predškolski odgoj i obrazovanje „Naše dijete“ Tuzla na Odluku o izmjeni i dopuni Pravila Javne ustanove za predškolski odgoj i obrazovanje „Naše dijete“

Tuzla, broj: 02-04-2672-2/2026 od 26.05.2026. godine.

II

Odluka stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA PREDSJEDAVAJUĆA
Gradsko vijeće

Broj: 01/15-A-10029-2026

Ana Pejić

2. jula 2026. godine

— — — — —

2

U skladu sa članom 5.stav (5) Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19) i članom 12. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzle“, broj: 11/15, 1/20, 12/21 i 15/25), a na osnovu člana 25. Statuta Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Grada Tuzle, na sjednici održanoj 2. 7. 2026. godine, donosi

ODLUKU

o utvrđivanju prijedloga kandidata za imenovanje članova Nadzornog odbora iz reda državnog kapitala u JKP „Saobraćaj i komunikacije - Tuzla“ d.o.o. Tuzla, čiji je osnivač Grad Tuzla

Član 1.

Ovom odlukom Gradsko vijeće Grada Tuzle utvrđuje prijedlog kandidata za imenovanje članova Nadzornog odbora iz reda državnog kapitala u JKP „Saobraćaj i komunikacije - Tuzla“ d.o.o. Tuzla, čiji je osnivač Grad Tuzla, i to:

- Sabina Mešić,
- Maida Ćatibušić.

Član 2.

Skupština JKP „Saobraćaj i komunikacije - Tuzla“ d.o.o. Tuzla, svojom odlukom razriješiće dosadašnje članove Nadzornog odbora po isteku njihovog mandata.

Istovremeno, u skladu sa ovom odlukom, Skupština će donijeti Odluku o konačnom imenovanju članova nadzornog odbora iz reda državnog kapitala.

Član 3.

Članovi nadzornog odbora iz člana 1. ove Odluke imenuju se na mandatni period od četiri godine.

Član 4.

Odluka stupa na snagu narednog dana od dana objavljivanja u „Službenom glasniku Grada Tuzle“

GRAD TUZLA PREDSJEDAVAJUĆA
Gradsko vijeće
Broj: 01/15-A-10024-2026 Ana Pejić
2. jula 2026. godine
— — — — —

3

U skladu sa članom 5.stav (5) Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19) i članom 12. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzle“, broj: 11/15, 1/20, 12/21 i 15/25), a na osnovu člana 25. Statuta Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Grada Tuzle, na sjednici održanoj 2. 7. 2026. godine, donosi

ODLUKU

o utvrđivanju prijedloga kandidata za imenovanje članova Nadzornog odbora iz reda državnog kapitala u „Centralno grijanje“ d.d. Tuzla, čiji je osnivač Grad Tuzla

Član 1.

Ovom odlukom Gradsko vijeće Grada Tuzle utvrđuje prijedlog kandidata za imenovanje članova Nadzornog odbora iz reda državnog kapitala u „Centralno grijanje“ d.d. Tuzla, čiji je osnivač Grad Tuzla, i to:

- Armela Efendić,
- Tijana Ahmetović.

Član 2.

Skupština „Centralno grijanje“ d.d. Tuzla, svojom odlukom razriješiće dosadašnje članove Nadzornog odbora po isteku njihovog mandata.

Istovremeno, u skladu sa ovom odlukom, Skupština će donijeti Odluku o konačnom imenovanju članova nadzornog odbora iz reda državnog kapitala.

Član 3.

Članovi nadzornog odbora iz člana 1. ove Odluke imenuju se na mandatni period od četiri godine.

Član 4.

Odluka stupa na snagu narednog dana od dana objavljivanja u „Službenom glasniku Grada Tuzle“

GRAD TUZLA PREDSJEDAVAJUĆA
Gradsko vijeće
Broj: 01/15-A-10027-2026 Ana Pejić
2. jula 2026. godine

— — — — —

4

U skladu sa članom 5.stav (5) Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19) i članom 12. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzle“, broj: 11/15, 1/20, 12/21 i 15/25), a na osnovu člana 25. Statuta Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Grada Tuzle, na sjednici održanoj 2. 7. 2026. godine, donosi

ODLUKU

o utvrđivanju prijedloga kandidata za imenovanje članova Nadzornog odbora iz reda državnog kapitala u JP „Pannonica“ d.o.o. Tuzla, čiji je osnivač Grad Tuzla

Član 1.

Ovom odlukom Gradsko vijeće Grada Tuzla utvrđuje prijedlog kandidata za imenovanje članova Nadzornog odbora iz reda državnog

kapitala u JP „Pannonica“ d.o.o. Tuzla, čiji je osnivač Grad Tuzla, i to:

- Amra Jaganjac,
- Asmira Islamović.

Član 2.

Skupština JP „Pannonica“ d.o.o. Tuzla, svojom odlukom razriješiće dosadašnje članove Nadzornog odbora po isteku njihovog mandata.

Istovremeno, u skladu sa ovom odlukom, Skupština će donijeti Odluku o konačnom imenovanju članova nadzornog odbora iz reda državnog kapitala.

Član 3.

Članovi nadzornog odbora iz člana 1. ove Odluke imenuju se na mandatni period od četiri godine.

Član 4.

Odluka stupa na snagu narednog dana od dana objavljivanja u „Službenom glasniku Grada Tuzle“

GRAD TUZLA PREDSJEDAVAJUĆA
Gradsko vijeće
Broj: 01/15-A-10032-2026 Ana Pejić
2. jula 2026. godine

— — — — —

5

U skladu sa članom 5.stav (5) Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19) i članom 12. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzle“, broj: 11/15, 1/20, 12/21 i 15/25), a na osnovu člana 25. Statuta

Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Grada Tuzle, na sjednici održanoj 2. 7. 2026. godine, donosi

ODLUKU

**o utvrđivanju prijedloga kandidata
za imenovanje članova Nadzornog
odbora iz reda državnog kapitala u JKP
„Komemorativni centar“ d.o.o. Tuzla, čiji
je osnivač Grad Tuzla**

Član 1.

Ovom odlukom Gradsko vijeće Grada Tuzla utvrđuje prijedlog kandidata za imenovanje članova Nadzornog odbora iz reda državnog kapitala u JKP „Komemorativni centar“ d.o.o. Tuzla, čiji je osnivač Grad Tuzla, i to:

- Jusuf Žigić,
- Rašid Milkunić.

Član 2.

Skupština JKP „Komemorativni centar“ d.o.o. Tuzla, svojom odlukom razriješiće do sadašnje članove Nadzornog odbora po isteku njihovog mandata.

Istovremeno, u skladu sa ovom odlukom, Skupština će donijeti Odluku o konačnom imenovanju članova nadzornog odbora iz reda državnog kapitala.

Član 3.

Članovi nadzornog odbora iz člana 1. ove Odluke imenuju se na mandatni period od četiri godine.

Član 4.

Odluka stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA PREDSJEDAVAJUĆA
Gradsko vijeće
Broj: 01/15-A-10034-2026 Ana Pejić
2. jula 2026. godine

6

Na osnovu člana 124., a u vezi sa članom 131. Statuta Grada Tuzle („Službeni glasnik Grada Tuzle“, broj 6/21 i 4/25), Gradsko vijeće Tuzla, na sjednici održanoj 2. 7. 2026. godine, donosi

ODLUKU

**o davanju preporuke za ustupanje na
korištenje opreme i pristupa sistemu
videonadzora javnih površina na području
grada Tuzle Ministarstvu unutrašnjih
poslova Tuzlanskog kantona**

Član 1.

Daje se preporuka JKP „Saobraćaj i komunikacije – Tuzla“ d.o.o. Tuzla da opremu i pristup sistemu videonadzora javnih površina na području grada Tuzle ustupi na korištenje Ministarstvu unutrašnjih poslova Tuzlanskog kantona, te da sa Ministarstvom unutrašnjih poslova Tuzlanskog kantona zaključi ugovor o regulisanju međusobnih prava i obaveza povodom davanja na korištenje opreme i pristupnog linka za sistem videonadzora, prema nacrtu ugovora dostavljenom Gradskom vijeću Tuzla.

Član 2.

Odluka stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA PREDSJEDAVAJUĆA
Gradsko vijeće
Broj: 01/19-A-10026-2026 Ana Pejić
2. jula 2026. godine

7

Na osnovu člana 13. stav 2. alineja 12. Zakona o principima lokalne samouprave („Službene novine Federacije BiH“, broj 49/06 i 51/09), člana 25. stav 1. alineja 12. Statuta Grada Tuzle („Službeni glasnik Grada Tuzle“, broj 6/21 i 4/25) i člana 27. stav 4. Odluke o javnim priznanjima Tuzle („Službeni glasnik Općine Tuzla“, broj: 10/07, 5/08 i 6/09 i

„Službeni glasnik Grada Tuzle“, broj 12/18), na prijedlog Komisije za odlikovanja i priznanja, Gradsko vijeće Tuzla, na sjednici održanoj 2. 7. 2026. godine, donosi

ODLUKU

o dodjeli javnih priznanja u 2026. godini

Član 1.

Radi odavanja priznanja za postignuti doprinos i postignute rezultate u radu, afirmaciji i zaštiti ljudskih prava i sloboda, tolerancije i demokratije, zaštite na radu i zaštite okoline, kao i za doprinos u odbrani Tuzle i Bosne Hercegovine, u spašavanju ljudi i imovine, unapređivanju uslova života u Tuzli, afirmaciji i razvoju lokalne samouprave i mjesnih zajednica, kao i unapređenju socijalne i dječije zaštite, a u povodu obilježavanja značajnih datuma iz historije Tuzle, dodjeljuju se sljedeća javna priznanja Tuzle:

- a) Priznanje Povelja grada Tuzle u povodu obilježavanja 1. marta dodjeljuje se Memorijalnom centru Srebrenica – Potočari;
- b) Priznanje Tuzlanska plaketa u povodu obilježavanja 15. maja dodjeljuje se:
 - Ademiru Zurapoviću,
 - Asmiru Avdičeviću,
 - Enesu Drljeviću,
 - Drugom vođu Profesionalne vatrogasne jedinice Grada Tuzla;
- c) Priznanje Tuzlanska lenta u povodu obilježavanja 4. aprila dodjeljuje se:
 - Besimi Fejzić,
 - Dejanu Slavuljici,
 - Tifi Tučić.

Član 2.

Dodjela javnih priznanja iz prethodnog člana ove Odluke, izvršit će se na svečanoj sjednici Gradskog vijeća Tuzla.

Član 3.

Odluka stupa na snagu danom objavljivanja u „Službenom glasniku Grada Tuzle“, a objavit će se i u sredstvima javnog informisanja i na internet stranici Grada Tuzle grad.tuzla.ba.

GRAD TUZLA

PREDSJEDAVAJUĆA

Gradsko vijeće

Broj: 01/04-A-10022-2026

Ana Pejić

2. jula 2026. godine

— — — — —

8

Na osnovu članova 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), članova 14. i 25. Statuta Grada Tuzle („Službeni glasnik Grada Tuzle“, broj 6/21 i 4/25) i člana 39. Odluke o izvršavanju Budžeta Grada Tuzle za 2026. godinu („Službeni glasnik Grada Tuzle“ broj 16/25 i 6/26), Gradsko vijeće Tuzla, na sjednici održanoj 2. 7. 2026. godine, donosi

ODLUKU

o postupku i uslovima za dodjelu sredstava za obnovu fasada na zgradama u užoj gradskoj jezgri Tuzle

Član 1.

(Predmet Odluke)

Ovom Odlukom uređuje se procedura dodjele sredstava iz Budžeta Grada Tuzle vlasnicima, odnosno, suvlasnicima zgrada u užoj gradskoj jezgri Tuzle, za namjenu obnove fasade na onim zgradama koje svojim izgledom, zbog oštećenja i dotrajalosti fasade, narušavaju opći izgled uže gradske jezgre.

Član 2.

(Finansijska sredstva)

- (1) Sredstva iz člana 1. ove Odluke obezbjeđuju se u Budžetu Grada Tuzle u skladu sa mogućnostima, na posebnom ekonomskom kodu, a raspoređuju se na osnovu

javnog poziva koji objavljuje Služba civilne zaštite.

- (2) Pojedinačna prava, obaveze i način realizacije će se regulisati zaključivanjem ugovora između Službe civilne zaštite Grada Tuzle i podnosioca prijave.
- (3) Sredstva se dodjeljuju na principu sufinansiranja, te je obavezno vlastito učešće vlasnika, odnosno, suvlasnika zgrade.
- (4) Sredstva se ne mogu dodijeliti vlasnicima, odnosno, suvlasnicima objekata javne namjene, objekata koji imaju status nacionalnog spomenika, niti za zgrade koje imaju ugovorenog ili prinudnog upravitelja i čiji etažni vlasnici se organizuju po odredbama važećeg kantonalnog zakona o upravljanju i održavanju zajedničkih dijelova i uređaja zgrada.
- (5) Sredstva se ne mogu dodijeliti za zgradu za koju na terenu postoje pokazatelji da je upitna stabilnost cijele ili dijela zgrade ili pokazatelji koji ukazuju na potrebu detaljnijeg ispitivanja svih ili pojedinih konstruktivnih dijelova zgrade.

Član 3.

(Značenje pojedinih izraza)

- (1) Sufinansiranje označava novčanu podršku vlasnicima, odnosno, suvlasnicima zgrada u užoj gradskoj jezgri Tuzle, za namjenu iz člana 1. ove Odluke.
- (2) Pod užom gradskom jezgrom smatra se zona historijske jezgre Tuzle, koja je obuhvata trgove i ulice:
 - a) Turalibegova, počevši od Ministarstva finansija Tuzlanskog kantona preko pješačke zone do Trga Kapija,
 - b) 25. maja,
 - c) Patriotske lige,
 - d) Muhameda efendije Lugavića,
 - e) Zlatarska,
 - f) Kazandžijska,
 - g) Tuzlanskih odreda,
 - h) Jevrejska,
 - i) Trg žrtava genocida u Srebrenici,
 - j) Gradska ulica, počevši od Aljine kafe preko pješačke zone pa do Skvera,

k) Barok ulica,

l) Solni trg,

m) Malkočeva i

n) Hadži Bakir-bega Tuzlića.

- (3) Zgrada je svaki objekat u užoj gradskoj jezgri koji izgledom fasade, zbog oštećenja i dotrajalosti, narušava opći izgled gradske jezgre, izuzev objekata iz člana 2. stavovi (4) i (5) ove Odluke.
- (4) Fasada je vanjska površina zidova na zgradama iz stava (3) ovog člana, orijentisana prema javnoj saobraćajnoj ili javnoj pješačkoj površini.
- (5) Sanacija fasade obuhvata sve potrebne radove za dovođenje fasade u stanje u kojem neće narušavati izgled uže gradske jezgre. Navedeni radovi obuhvataju i pripremne radove skidanja oluka i olučnih vertikala, već postojećih uređaja i demontažu vanjske stolarije ukoliko je ista dotrajala i narušava izgled zgrade, postavljanje i demontaža skele, obijanje postojeće fasade, malterisanje, sve prateće i završne fasaderske radove, izradu i montažu novih oluka i olučnih vertikala, nove vanjske stolarije sa pripadajućim elementima, te uklanjanje i odvoz šuta i otpada koji nastane zbog izvođenja radova.
- (6) Mjerodavna adresa zgrade iz stava (3) ovog člana je adresa iz Adresnog registra koji vodi Služba za geodetske i imovinsko-pravne poslove, evidenciju i upravljanje imovinom Grada Tuzle.

Član 4.

(Visina sufinansiranja)

- (1) Vlasnici, odnosno, suvlasnici zgrada koji podnose prijavu na javni poziv dužni su obezbijediti vlastita sredstva u visini od najmanje 50% od ukupnog predračunskog iznosa za obnovu fasade.
- (2) Maksimalan iznos sredstava koji se sufinansira iz Budžeta Grada Tuzla iznosi do 50% od ukupnog predračunskog iznosa za obnovu fasade, ali ne više od 10.000,00 KM.

- (3) Obezbjedenje eventualno nedostajućih finansijskih sredstava za realizaciju svih radova na obnovi fasade obaveza je vlasnika, odnosno, suvlasnika zgrade.
- (4) Opravdanost zamjene vanjske stolarije na objektu za koji je podnesena prijava na javni poziv utvrđuje stručna komisija iz člana 12. ove Odluke.
- (5) Ukoliko stručna komisija iz člana 12. ove Odluke utvrdi da postoji potreba za sanaciji krova zgrade za koju je podnesena prijava na javni poziv, finansiranje i izvođenje takvih radova je obaveza vlasnika, odnosno suvlasnika zgrade.
- (6) Ukoliko se iz dostavljenog predmjera radova utvrdi da za radove postoji zakonska obaveza pribavljanja urbanističko-tehničke dokumentacije kao što je urbanističke saglasnost, odobrenje za građenje i druga dokumentacija, iste je dužan pribaviti vlasnik, odnosno suvlasnici objekta, te Grad Tuzla ne preuzima obavezu niti odgovornost za iste.

Član 5.

(Izbor izvođača radova)

Izvođača, kao i predračun radova za obnovu fasade bira vlasnik, odnosno, suvlasnici zgrade.

Član 6.

(Izgled fasade)

- (1) Podnosilac prijave na javni poziv dužan je u prijavi navesti naziv tonske karte i šifru predložene boje za izradu nove fasade.
- (2) Za sve formalno ispravne prijave, postupajuća stručna komisija iz člana 12. ove Odluke će se obratiti Zavodu za urbanizam Grada Tuzle za dostavu mišljenja o prihvatljivosti boje i izgleda nove fasade.
- (3) Uz zahtjev iz stava (2) ovog člana stručna komisija dostavlja podatak o prijavljenoj tonskoj karti i šifri boje nove fasade, fotokopiju prijavljenog predračuna i fotografije zgrade.
- (4) Zavod za urbanizam Grada Tuzle će prilikom izdavanja mišljenja iz stava (2) ovog

člana uzeti u obzir boju i izgled postojeće fasade zgrade, te uklapanje izgleda i boje nove fasade sa postojećim prostorom i susjednim zgradama.

- (5) Izbor boje i izgleda fasade izvršit će se prema mišljenju Zavoda za urbanizam Grada Tuzle.
- (6) Vlasnici, odnosno, suvlasnici zgrada koji podnose prijavu na javni poziv dužni su zadržati dimenzije postojećih otvora na fasadi, postojeće završne fasadne elemente i eventualne ukrasne elemente koji su postojali na fasadi na dan podnošenja prijave na javni poziv.

Član 7.

(Uslovi za apliciranje)

Podnosilac prijave mora ispunjavati sljedeće uslove za apliciranje na javni poziv:

- a) da je vlasnik zgrade koja je predmet prijave,
- b) da je podnio prijavu za zgradu koja se nalazi u užoj gradskoj jezgri,
- c) da je podnio prijavu za zgradu čija fasada svojim izgledom, zbog oštećenja i dotrajalosti, narušava opći izgled uže gradske jezgre,
- d) da je izabrao izvođača i predračun radova za obnovu fasade,
- e) ukoliko je riječ o zgradi koja je u suvlasništvu, da postoji saglasnost suvlasnika za apliciranje na javni poziv, izbor izvođača radova, predračuna i transakcijskog računa za uplatu sredstava na ime sufinansiranja u slučaju odobravanja prijave,
- f) da podnosilac prijave garantuje da su obezbijeđena sredstva za vlastito učešće iz člana 4. ove Odluke.

Član 8.

(Dokazi o ispunjavanju uslova za apliciranje)

- (1) Podnosilac prijave, vlasnik zgrade, dužan je dostaviti sljedeću dokumentaciju, kao dokaz o ispunjavanju uslova za apliciranje na javni poziv:

- a) popunjen i potpisan prijavni obrazac,
 - b) dokaz o vlasništvu (zemljišnoknjižni izvadak, ne stariji od 30 dana),
 - c) ovjerena izjava vlasnika, kojom se potvrđuje izbor izvođača radova za obnovu fasade, broj i datum izabranog predračuna,
 - d) izabrani predračun,
 - e) ovjerena izjava, kojom podnosilac prijave garantuje da su obezbijedena sredstva za vlastito učešće iz člana 4. ove Odluke,
 - f) potvrda poslovne banke sa brojem transakcijskog računa za uplatu sredstava na ime sufinansiranja u slučaju odobravanja prijave,
 - g) fotodokumentaciju o trenutnom stanju fasade.
- (2) Podnosioci prijave, koji su suvlasnici zgrade, dužni su dostaviti sljedeću dokumentaciju, kao dokaz o ispunjavanju uslova za apliciranje na javni poziv:
- a) popunjen prijavni obrazac, potpisan od bilo kojeg suvlasnika zgrade u ime svih suvlasnika,
 - b) dokaz o vlasništvu (zemljišnoknjižni izvadak, ne stariji od 30 dana),
 - c) ovjerenu izjavu svih ostalih suvlasnika da potpisnik prijavnog obrasca ima saglasnost ostalih suvlasnika za podnošenje prijave na javni poziv, izbor izvođača radova, predračuna i transakcijskog računa za uplatu sredstava na ime sufinansiranja u slučaju odobravanja prijave,
 - d) izabrani predračun,
 - e) ovjerenu izjavu potpisnika prijavnog obrasca kojom garantuje da su suvlasnici obezbijedili sredstva za vlastito učešće iz člana 4. ove Odluke,
 - f) potvrda poslovne banke sa brojem transakcijskog računa za uplatu sredstava na ime sufinansiranja u slučaju odobravanja prijave,
 - g) fotodokumentaciju o stanju fasade.
- (3) Popunjen i potpisan prijavni obrazac se dostavlja u originalu.
- (4) Sve ovjerene izjave dostavljaju se u originalu ili ovjerenoj fotokopiji, a ovjera mora biti izvršena kod nadležnog organa uprave ili notara.
- (5) Ostala dokumentacija propisana stavovima (1) i (2) ovog člana dostavlja se u fotokopiji, a stručna komisija iz člana 12. ove Odluke u svakom momentu zadržava pravo vršenja uvida u originalni dokument.

Član 9.

(Kriteriji i bodovanje prijave)

- (1) Prijave će u proceduri javnog poziva biti bodovane prema sljedećim kriterijima:
- a) Obezbijedena novčana sredstva od strane podnosioca prijave:
 - 50% 10 bodova,
 - 51-60% 15 bodova,
 - 61-70% 20 bodova,
 - 71-80% 25 bodova,
 - 81% i više 30 bodova.
 - b) Orijentisanost fasada prema javnoj pješačkoj ili javnoj saobraćajnoj površini:
 - jedna fasada 5 bodova,
 - dvije fasade 10 bodova,
 - više od dvije fasade 15 bodova.
 - c) Broj fasada orijentisanih prema javnoj pješačkoj ili javnoj saobraćajnoj površini, a za koje je prema prijavi na javni poziv planirana obnova:
 - jedna površina 5 bodova,
 - više od jedne, ali ne sve . 10 bodova,
 - sve površine 15 bodova.
- (2) Bodovanje po kriteriju iz stava (1) tačka a) ovog člana utvrđuje se uvidom stručne komisije iz člana 12. ove Odluke u dostavljenu dokumentaciju.
- (3) Bodovanje po kriteriju iz stava (1) tačka b) ovog člana utvrđuje se uvidom stručne komisije iz člana 12. ove Odluke na licu mjesta.
- (4) Bodovanje po kriteriju iz stava (1) tačka c) ovog člana utvrđuje se uvidom stručne komisije iz člana 12. ove Odluke u dostavljenu dokumentaciju i uvidom na licu mjesta.

Član 10.

(Prioriteti u dodjeli sredstava)

- (1) U slučaju jednakog broja bodova, prednost na rang listi će imati prijava sa procentualno većim vlastitim učešćem u novčanim sredstvima potrebnim za obnovu fasade.
- (2) U slučaju da je jednak i procentualni iznos vlastitog učešća iz stava (1) ovog člana, prednost na rang listi će imati prijava koja je prije zaprimljena na protokolu Službe civilne zaštite.

Član 11.

(Javni poziv)

- (1) Javni poziv objavljuje se na web stranici Grada Tuzle i na oglasnoj tabli Službe civilne zaštite.
- (2) Javni poziv ostaje otvoren najmanje 30 dana od dana objavljivanja na internet stranici Grada Tuzle.
- (3) Neblagovremene i nepotpune prijave biti će odbačene bez razmatranja.
- (4) Javnim pozivom se definiše za koji trg ili ulicu iz uže gradske jezgre iz člana 3. stav (2) ove Odluke se isti objavljuje.
- (5) Javni poziv, po osnovu ove Odluke, će prioritetno se objaviti za ulice Gradsku i Muhameda efendije Lugavića, zatim za Trg žrtava genocida u Srebrenici i ulicu Turalibegova, a nakon toga i za ostale trgove i ulice iz člana 3. stav (2) ove Odluke, u skladu sa mogućnostima u Budžetu Grada Tuzle.

Član 12.

(Postupanje po prijavama)

- (1) Za provođenje postupka po svakom javnom pozivu, uvid stanja po pristiglim prijavama na javni poziv, te uvid nakon završetka radova, Pomoćnik gradonačelnika za Službu civilne zaštite rješenjem imenuje stručnu komisiju iz reda zaposlenika gradske uprave.

- (2) Stručnu komisiju čine predsjednik i dva člana, od kojih najmanje dvoje moraju biti tehničke struke, te sekretar.
- (3) Stručna komisija o svom radu sačinjava zapisnik.
- (4) Stručna komisija vrši uvid na licu mjesta za prijave koje su blagovremene, potpune i uredne, te o uvidu sastavlja službenu zabilješku i sačinjava fotografije.
- (5) Stručna komisija je ovlaštena i da, na temelju stručne procjene i opravdanih razloga, kao što su neadekvatan predračun, mišljenje Zavoda za urbanizam Grada Tuzle iz člana 6. stav (2) ove Odluke ili drugi nedostaci, odluči o odbijanju prijave.

Član 13.

(Preliminarna rang lista)

- (1) Nakon pregleda prijava, vršenja uvida na licu mjesta i dostave mišljenja Zavoda za urbanizam Grada Tuzle iz člana 6. stav (2) ove Odluke, stručna komisija sastavlja i objavljuje preliminarnu rang listu sa utvrđenim brojem bodova po svakoj prijavi i iznosima sredstava za sufinansiranje.
- (2) Prilikom sačinjavanja preliminarne rang liste stručna komisija je dužna uzeti u obzir raspoloživi iznos sredstava u Budžetu Grada Tuzle i propisane prioritete.
- (3) Preliminarna rang lista objavljuje se na oglasnoj tabli Službe civilne zaštite i web stranici Grada Tuzle.
- (4) Na preliminarnu rang listu podnosilac prijave može podnijeti prigovor u roku od 8 (osam) dana od dana objave iste na internet stranici Grada Tuzle.
- (5) Po prigovoru iz stava (4) ovog člana odlučuje komisija za rješavanje po prigovorima, koju rješenjem imenuje Pomoćnik gradonačelnika za Službu civilne zaštite iz reda zaposlenika gradske uprave.
- (6) Povodom prigovora podnosiocu se dostavlja obavještenje, protiv kojeg nije dozvoljeno izjavljivati pravne lijekove.

Član 14.

(Konačna rang lista)

- (1) Nakon okončanja postupka po prigovorima, stručna komisija sačinjava konačnu rang listu sa utvrđenim brojem bodova po svakoj prijavi i iznosima sredstava za sufinansiranje.
- (2) Konačna rang lista objavljuje se na oglasnoj tabli i web stranici Grada Tuzle.

Član 15.

(Ugovor o sufinansiranju)

- (1) Pomoćnik gradonačelnika za Službu civilne zaštite zaključuje ugovore o sufinansiranju sa podnosiocima prijave koji su navedeni na konačnoj rang listi.
- (2) Ugovorom se preciziraju sva međusobna prava i obaveze ugovornih strana, te način pravdanja sredstava.

Član 16.

(Izvođenje radova obnove fasade)

- (1) Nakon zaključenja ugovora o sufinansiranju iz člana 15. ove Odluke, izvođenje radova obnove fasade vrši izabrani izvođač iz člana 5. ove Odluke.
- (2) Izabranog izvođača u posao uvodi vlasnik, odnosno, suvlasnici zgrade iz člana 1. ove Odluke.
- (3) Nadzor nad izvođenjem radova obnove fasade obezbjeđuju vlasnici, odnosno, suvlasnici zgrade iz člana 1. ove Odluke, o vlastitom trošku.

Član 17.

(Isplata sredstava)

- (1) Podnosilac prijave, koji je ujedno i potpisnik ugovora iz člana 15. ove Odluke, će Službu civilne zaštite obavijestiti o završetku radova obnove fasade u roku od 15 dana od dana završetka svih radova.
- (2) Uz obavještenje iz stava (1) ovog člana, podnosilac prijave će dostaviti sljedeću dokumentaciju:

- a) fotokopiju potpisane i ovjerene građevinske knjige,
- b) fotokopiju odobrenog predračuna,
- c) originalnu izjavu izvođača radova o urednom izvršenju radova i
- d) fotokopije atesta ili tehničkog lista za ugrađeni materijal.

- (3) Po zaprimljenom obavještenju, stručna komisija iz člana 12. ove Odluke vrši uvid na licu mjesta i sačinjava zapisnik kojim se potvrđuje da su radovi izvršeni u skladu sa ugovorom i predračunom.
- (4) Nakon prijema zapisnika iz stava (3) ovog člana, Služba civilne zaštite podnosi zahtjev za plaćanje Službi za budžet i finansije.
- (5) Služba za budžet i finansije će, na osnovu zahtjeva Službe civilne zaštite iz stava (4) ovog člana, izvršiti isplatu ugovorenih sredstava na transakcijski račun koji je naveden u dokumentu iz člana 8. stav (1) tačka f), odnosno, iz člana 8. stav (2) tačka f) ove Odluke i u zaključenom ugovoru o sufinansiranju.
- (6) Ukoliko stručna komisija iz člana 12. ove Odluke na terenu utvrdi da radovi nisu izvedeni u skladu sa dostavljenim predmjerom i predračunom, Grad Tuzla neće izvršiti plaćanje odobrenih finansijskih sredstava.

Član 18.

(Stupanje na snagu)

Ova Odluka stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA PREDSDJEDAVAJUĆA
Gradsko vijeće

Broj: 01/19-A-10023-2026**Ana Pejić****2. jula 2026. godine**

— — — — —

9

Na osnovu člana 57. Zakona o pravima branilaca i članova njihovih porodica („Službene novine Federacije BiH“ br: 33/04, 56/05, 70/07, 09/10, 90/17, 29/22, 60/24 i 6/26), člana

64. stav 2. Zakona o dopunskim pravima branitelja i članova njihovih porodica ("Službene novine Tuzlanskog kantona", broj: 10/20, drugi prečišćeni tekst, 14/22, 09/23, 5/24, 13/24 i 3/26) i člana 25. Statuta Grada Tuzle („Službeni glasnik Grada Tuzle“ broj 06/21 i 4/25) Gradsko vijeće Tuzla, na prijedlog Gradonačelnika Grada Tuzle na sjednici održanoj 2. 7. 2026. godine, donosi

PRAVILNIK

o izmjenama Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzle

Član 1.

U članu 4. stav 1. **tačka 4.** Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzle („Službeni glasnik Grada Tuzle“ broj:1/15,12/15,13/16,12/17, 13/18,12/19, 3/21,13/21, 12/23, 2/26 i 7/26), (u daljem tekstu Pravilnik), **iznos 400,00 KM zamjenjuje se iznosom 700,00 KM.**

U istom članu **u tački 7.** riječi: „a ovim članom neobuhvaćenim“ i riječi: “(štete nastale usljed više sile i nenamjerne štete izazvane nesrećnim događanjima)” brišu se.

Član 2.

Član 22. Pravilnika, **mijenja se i glasi:** “Pravilnik će se primjenjivati od 1.7.2026. godine”.

Član 3

Ostale odredbe Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzla („Službeni glasnik Grada Tuzle“ broj: 01/15, 12/15, 13/16, 12/17, 13/18,12/19, 3/21, 13/21,12/23, 2/26 i 7/26) ostaju na snazi.

Član 4.

Ovaj Pravilnik stupa na snagu narednog dana od dana objavljivanja u “Službenom glasniku Grada Tuzle”.

GRAD TUZLA PREDSJEDAVAJUĆA
Gradsko vijeće

Broj: 01/37-A-10031-2026

Ana Pejić

2. jula 2026. godine

— — — — —

10

Na osnovu člana 96.a Statuta Grada Tuzle (“Službeni glasnik Grada Tuzle”, broj 6/21 i 4/25), Gradsko vijeće Grada Tuzle, na sjednici od 2. 7. 2026. godine, donosi

RJEŠENJE

o razrješenju člana Savjeta Mjesne zajednice Brčanska Malta

I

Razrješava se dužnosti člana Savjeta Mjesne zajednice Brčanska Malta, Anel Smajić.

II

Rješenje će se objaviti u „Službenom glasniku Grada Tuzle“.

GRAD TUZLA PREDSJEDAVAJUĆA
Gradsko vijeće

Broj: 01-04-A-10001 -2026

Ana Pejić

2. jula 2026. godine

— — — — —

11

Na osnovu člana 96.a Statuta Grada Tuzle (“Službeni glasnik Grada Tuzle”, broj 6/21 i 4/25), Gradsko vijeće Grada Tuzle, na sjednici od 2. 7. 2026. godine, donosi

RJEŠENJE

o izboru člana Savjeta Mjesne zajednice Brčanska Malta

I

Bira se na dužnost člana Savjeta Mjesne zajednice Brčanska Malta (u daljem tekstu: Savjet), Milada Srna.

II

Mandat člana Savjeta traje do potvrđivanja rezultata izbora za savjete mjesnih zajednica iz člana 96. Statuta Grada Tuzle ("Službeni glasnik Grada Tuzle", broj 6/21 i 4/25), a najduže četiri godine, odnosno do isteka mandata u sazivu Gradskog vijeća u kojem su organi mjesne zajednice izabrani.

III

Rješenje će se objaviti u „Službenom glasniku Grada Tuzle“.

GRAD TUZLA PREDSJEDAVAJUĆA
Gradsko vijeće
Broj: 01-04-A- 9995-2026 Ana Pejić
2. jula 2026. godine

— — — — —

II AKTI GRADONAČELNIKA GRADA TUZLE

I

Na osnovu člana 29. Zakona o ustanovama („Službeni list RBiH“, broj: 6/92, 8/93 i 13/94), člana 21. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzle“, broj: 11/15, 1/20, 12/21 i 15/25) i člana 41. Statuta Grada Tuzle („Službeni glasnik Grada Tuzle“, broj 6/21 i 4/25), Gradonačelnik Grada Tuzle, donosi

ODLUKU

**o davanju prethodne saglasnosti na
prijedlog Odluke Upravnog odbora
Javne ustanove „Dom penzionera“ Tuzla
o imenovanju direktora Javne ustanove
„Dom penzionera“ Tuzla**

I

Daje se prethodna saglasnost na prijedlog Odluke Upravnog odbora Javne ustanove „Dom penzionera“ Tuzla o imenovanju direktora Javne ustanove „Dom penzionera“ Tuzla, broj: 01-1000-3/26 od 11.06.2026. godine, kojom se Andrea Stetkević predlaže za imenovanje na dužnost direktora Javne ustanove „Dom penzionera“ Tuzla.

II

Direktor se imenuje na mandatni period od 4 (četiri) godine.

III

Obavezuje se Upravni odbor Javne ustanove „Dom penzionera“ Tuzla da, u skladu sa ovom Odlukom, donese konačnu Odluku o imenovanju direktora Javne ustanove „Dom penzionera“ Tuzla.

IV

Odluka stupa na snagu danom donošenja, a objavit će se u „Službenom glasniku Grada Tuzle“.

GRAD TUZLA GRADONAČELNIK
Gradonačelnik
Broj: 02/04-A-9240-2026 Zijad Lugavić
22. juna 2026. godine

— — — — —

2

Na osnovu članova 60. i 61. Zakona o budžetima u Federaciji Bosne i Hercegovine („Sl. novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 41. Statuta Grada Tuzle („Službeni glasnik Grada Tuzle“, broj 6/21 i 4/25) i člana 13. Odluke o izvršavanju Budžeta Grada Tuzle za 2026. godinu

(„Službeni glasnik Grada Tuzle“, broj 16/25 i 6/26), a u vezi sa Preporukom za izdvajanje sredstava s pozicije „Tekuća rezerva“, br. 02-309-06-2026 SD od 23.06.2026. godine, Zahtjevom Službe za budžet i finansije, broj: 03-30-8338-2026 B.A. od 11.06.2026. godine i Zahtjevom Mujkanović Azre, Gradonačelnik Grada Tuzle, donosi

ODLUKU

**o izdvajanju sredstava iz «Tekuće rezerve»
Budžeta Grada Tuzle za 2026. godinu radi
uplate doprinosa za Mujkanović Azru,
bivšu uposlenicu Grada Tuzle**

I

Odobrava se izdvajanje novčanih sredstava iz Budžeta Grada Tuzle za 2026. godinu, pozicija **«Tekuća rezerva Budžeta»**, u iznosu od **418,83 KM (četiristotineosamnaest i 83/100 KM)** na račun Javnih prihoda Budžeta FBiH na ime uplate neuplaćenih doprinosa na platu bivše uposlenice Grada Tuzle Mujkanović Azre.

II

Sredstva iz tačke I ove Odluke izdvajaju se za potrebe uplate neuplaćenih doprinosa za penzijsko-invalidsko osiguranje Mujkanović Azre, koja je bila uposlenica Skupštine Opštine Tuzla, čiji je pravni sljednik Grad Tuzla, za period 01.02.1994. godine do 28.07.1994. godine, u svrhu povezivanja radnog staža za naznačeni period i ostvarivanja prava na penziju.

III

Za uplatu sredstava po ovoj Odluci zadužuje se Služba za budžet i finansije, koja će navedena sredstva u tački I ove Odluke uplatiti na račun **Javni prihodi Budžeta FBiH, broj: 102-050-00001066-98, vrsta prihoda 712112, općina 094, budžetska organizacija: 5102001, poziv na broj:0000000000.**

IV

Ova Odluka stupa na snagu danom donošenja i bit će objavljena u „Službenom glasniku Grada Tuzle“.

GRAD TUZLA GRADONAČELNIK
Gradonačelnik
Broj: 02/11-A-9549-2026/SM Zijad Lugavić
26. juna 2026. godine

— — — — —

3

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), a u vezi sa članom 31. Zakona o plaćama i naknadama u organima vlasti FBiH („Službene novine FBiH“, broj: 45/10, 111/12, 20/17 i 22/19 - odluka Ustavnog Suda i „Službeni glasnik BiH“, broj: 74/2023 - odluka US BiH) i članom 20. stav (12) Pravilnika o primjeni Zakona o porezu na dohodak („Službene novine FBiH“, broj: 48/21, 77/21, 20/22, 57/22, 5/23, 85/23, 97/23, 36/24, 57/24, 101/24, 11/25, 22/25, 33/25, 43/25, 60/25, 9/26 i 12/26), člana 41. Statuta Grada Tuzle („Službeni glasnik Grada Tuzle“, broj 6/21 i 4/25) i člana 4. Odluke o naknadama uposlenicima gradskih organa uprave Tuzla koje nemaju karakter plaće („Službeni glasnik Grada Tuzle“, broj 13/21 i 5/24), Gradonačelnik Grada Tuzle, donosi

ODLUKU

o visini regresa za 2026. godinu

I

Gradonačelniku, savjetnicima Gradonačelnika, Gradskom pravobraniocu, zamjenicima Gradskog pravobranioca, državnim službenicima i namještenicima zaposlenim u organima uprave, upravnim organizacijama Grada Tuzla i Gradskom pravobranilaštvu Tuzla (u daljem tekstu: zaposlenici), u skladu sa članom 4. Odluke o naknadama uposlenicima gradskih organa uprave Tuzla koje nemaju karakter plaće („Službeni glasnik Grada Tuzle“, broj 13/21 i

5/24), pripada naknada na ime regresa za korištenje godišnjeg odmora u iznosu od 841,50 KM (slovima: osamstočetrdesetjedna KM i 50/100), po zaposleniku, što predstavlja 50 % prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku za prethodna tri mjeseca („Službene novine Federacije Bosne i Hercegovine“, broj 47/26).

II

Pravo na isplatu regresa ima uposlenik iz tačke I ove Odluke koji je ostvario pravo na godišnji odmor, odnosno kojemu je izdato Rješenje o korištenju godišnjeg odmora za 2026. kalendarsku godinu.

III

Za izvršenje ove Odluke zadužuje se Služba za budžet i finansije.

IV

Odluka stupa na snagu danom objavljivanja u „Službenom glasniku Grada Tuzle“.

GRAD TUZLA GRADONAČELNIK
Gradonačelnik
Broj: 02/11-A-9700-2026 Zijad Lugavić
30. juna 2026. godine

4

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH” broj 35/05), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 41. Statuta Grada Tuzle („Službeni glasnik Grada Tuzle“, broj 6/21 i 4/25) i člana 10. Odluke o uslovima, kriterijima i postupku sufinansiranju mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzle“, broj 6/26) Gradonačelnik Grada Tuzle, donosi

RJEŠENJE

o imenovanju Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle

I

U tački I, podtačka 3. i 4. Rješenja o imenovanju Komisije za pregled implementiranih mjera poboljšanja energijske efikasnosti i smanjenja aerozagađenja na području grada Tuzle u 2025. godini, broj: 02/04-A-5434-2025 od 4.4.2025. godine, riječi: „Nermina Bedić i Zina Selesković“ zamjenjuju se riječima: „Aida Kujadinović i Mehmed Zaimović“.

II

Ovo rješenje stupa na snagu danom donošenja a objaviće se u „Službenom glasniku Grada Tuzle“.

GRAD TUZLA GRADONAČELNIK
Gradonačelnik
Broj: 02/04-A-9968-2026 Zijad Lugavić
2. jula 2026. godine

S A D R Ź A J
„Službenog glasnika Grada Tuzle“, broj 9/26

I. AKTI GRADSKOG VIJEĆA TUZLA

1. Odluka o davanju prethodne saglasnosti Upravnom odboru Javne ustanove za predškolski odgoj i obrazovanje „Naše dijete“ Tuzla na Odluku o izmjeni i dopuni Pravila Javne ustanove za predškolski odgoj i obrazovanje „Naše dijete“ Tuzla 353
2. Odluka o utvrđivanju prijedloga kandidata za imenovanje članova Nadzornog odbora iz reda državnog kapitala u JKP „Saobraćaj i komunikacije - Tuzla“ d.o.o. Tuzla, čiji je osnivač Grad Tuzla 354
3. Odluka o utvrđivanju prijedloga kandidata za imenovanje članova Nadzornog odbora iz reda državnog kapitala u „Centralno grijanje“ d.d. Tuzla, čiji je osnivač Grad Tuzla 354
4. Odluka o utvrđivanju prijedloga kandidata za imenovanje članova Nadzornog odbora iz reda državnog kapitala u JP „Pannonica“ d.o.o. Tuzla, čiji je osnivač Grad Tuzla 355
5. Odluka o utvrđivanju prijedloga kandidata za imenovanje članova Nadzornog odbora iz reda državnog kapitala u JKP „Komemorativni centar“ d.o.o. Tuzla, čiji je osnivač Grad Tuzla 356
6. Odluka o davanju preporuke za ustupanje na korištenje opreme i pristupa sistemu video-nadzora javnih površina na području grada Tuzle Ministarstvu unutrašnjih poslova Tuzlanskog kantona 356
7. Odluka o dodjeli javnih priznanja u 2026. godini 357
8. Odluka o postupku i uslovima za dodjelu sredstava za obnovu fasada na zgradama u užoj gradskoj jezgri Tuzle 357
9. Pravilnik o izmjenama Pravilnika o kriterijima i postupku za odobravanje jednokratne pomoći pripadnicima branilačke populacije sa područja grada Tuzle 363
10. Rješenje o razrješenju člana Savjeta Mjesne zajednice Brčanska Malta 363

11. Rješenje o izboru člana Savjeta Mjesne zajednice Brčanska Malta 363

II. AKTI GRADONAČELNIKA GRADA TUZLE

1. Odluka o davanju prethodne saglasnosti na prijedlog Odluke Upravnog odbora Javne ustanove „Dom penzionera“ Tuzla o imenovanju direktora Javne ustanove „Dom penzionera“ Tuzla 365
2. Odluka o izdvajanju sredstava iz «Tekuće rezerve» Budžeta Grada Tuzle za 2026. godinu radi uplate doprinosa za Mujkanović Azru, bivšu uposlenicu Grada Tuzle 366
3. Odluka o visini regresa za 2026. godinu
4. Rješenje o imenovanju Komisije za pregled implementiranih mjera poboljšanja energetske efikasnosti i smanjenja aerozagađenja na području grada Tuzle 367